

大藥叉女歡喜母并愛子成就法

唐北天竺三藏沙門大廣智不空奉詔譯

爾時佛住王舍城竹林精舍爲諸人天演說法要時有大藥叉女名曰歡喜容貌端嚴有五千眷屬常在支那國護持世界是娑多大藥叉將之女聘半支迦大藥叉將名散脂生者說五百子有大威力與諸眷屬來詣佛所退坐一面佛告歡喜母汝今可受如來教勅我欲令汝捨除暴惡護諸有情此王舍城及瞻部洲一切女人所生男女皆施無畏時歡喜母白佛言世尊若如是者我及諸子當於何食佛言汝但慈心不害有情我當勅諸聲聞弟子每於食次常與汝食并於行末置一分食呼汝名字并諸子等皆令飽滿若有餘食汝可迴施一切鬼神皆悉運心令其飽足時歡

喜母白佛言世尊我今歸命如來奉佛教勅不敢違越王舍大城及諸國土一切人民所生男女我皆擁護令其安樂不令一切諸惡鬼神得其便也惟願如來護念於我佛言善哉善哉歡喜母汝今可於如來善法律中受持三歸五戒令汝長夜解脫諸苦獲大安樂所謂歸佛法僧不殺生命乃至不飲諸酒是汝學處汝當受持時歡喜母既受三歸并五學處歡喜踊躍遶佛三匝白佛言世尊我今已蒙如來加護我有自心陀羅尼能除一切災難恐怖若有受持此章句者我諸眷屬當爲守護令獲安樂惟願如來聽我宣說佛言恣汝意說時歡喜母即於佛前說陀羅尼曰
曩謨引囉怛曩二合怛囉二合夜二合耶一合娜莫賀引哩底曳二合摩賀藥乞史二合拏二合尼二合阿謨

伽引去聲曳四合薩底曳二合縛引你泥切顚五合沒

駄鉢哩二合野引曳六合惹多賀引哩七合拏二合曳七合

半左補怛囉八合捨多鉢哩二合縛囉引曳九合

畢哩二合迦囉引曳十合麼四合多引薩縛薩怛縛

十一合引曩麼塞訖哩三合路引曳二十合婆誡鋤賀

引哩底曳十二合紇哩二合乃野麼引鞞哆以灑

引銘四合沒駄帝惹自擲聲婆引介底十五切

薩麼二合囉多引曳十六合婆聲誡鋤補囉囉引乞

灑二合泉七合婆聲誡鋤引紫精切多引泉八合

跋囉補怛囉十二合尾觀曩二合尾曩引野迦十二合

沒哩二合跋三合麼去聲你引多怛囉二合拏鼻引羅十二合

一滿怛囉二合跋娜補娜引擺二十合賀引哩灑

引曳三十合怛你野二合佗去聲泉二十四合縛引鉢二十合

跋哩縛六合寧引怛囉二合曷底二十合薩縛

羯麼迦囉拏鼻引曳娑縛二合賀十八引

世尊我此陀羅尼有大威力猶如真多摩尼
寶能滿一切有情意願唯有如來及諸菩薩
當證知我佛言歡喜毋汝能饒益有情護持
我法說此陀羅尼未來世中我諸弟子付汝
守護悉令安樂時歡喜毋白佛言如佛聖旨
我當奉行世尊若欲成就此陀羅尼法者先
於白氎上或絹素上隨其大小畫我歡喜母
作天女形極令姝麗身白紅色天繒寶衣頭
冠耳璫白螺為釧種種瓔珞莊嚴其身坐寶
宣臺垂下右足於宣臺南邊傍膝各畫二孩
子其母左手於懷中抱一孩子名畢哩二合孕
迦極令端正右手近乳掌吉祥果於其左右
并畫兒女眷屬或執白拂或莊嚴具其畫像
人清淨澡浴著新淨衣受持八戒如法畫已
於一密室清淨掃灑作四肘方壇應取純色

將牛瞿摩夷以物承取以香相和如法塗拭
又以白檀香泥方壇上作一圓壇安像於中
上施天蓋懸諸綵幡以種種時華散於壇上
又以乳糜酪飯甘脆飲食及諸果子闕伽香
水燒好沉香而爲供養像面向西其持誦者
壇西面東對像念誦或四時三時乃至一時
不應間闕若有間斷法即難成亦不得誦金
剛部真言及諸雜念誦恐難成就每時誦一
百八徧爲常正念誦時不應雜共人語令真
言間斷不成徧數虛費功力若欲成就此法
從白月一日五日及十六日二十日起首依
前儀軌對此像前誦滿一萬徧即成先行必
須愼密勿使人知勿對人前誦此真言若能
依教專注密修歡喜母必現其身滿修行者
所願作此念誦必不得與人結怨恐損彼人

成不饒益若得成就已所獲財寶應須廣行
檀施不應慳吝若欲令歡喜母速來現身修
行者專想此母常不離心又於念誦處及所
居處必須清淨不用燈明又常燒沉香唯自
獨處無間念誦亦不應恐怖歡喜母必來現
身若得來已註六漏泄人知必招其禍若來現身
亦不應共語但至心念誦更加如法供養後
必數來告行者言令我何所作為或留瓔珞
環釧寶莊嚴具若留必須便用不得停留亦
不與語如是久久淳熟方可與語即請爲母
或爲姊妹不應於彼生貪染心設彼聖者有
染欲意必不應受若受必生彼族難得解脫
持誦者每於自所食物先減一分淨食以心
真言加持七徧食了持於淨處瀉之常得擁
護不離左右誦心真言曰

唵一弩努麼引音里迦引四諦娑嚩引二合賀

二引

持誦者既先行功滿擇吉宿日或日月蝕時如法供養取好沉香搗酥護摩一千八十徧必獲成就或現本身或即加持數珠或供養具祈上中下等成就得所居處地動或見光明當知已獲成就從此已後所作皆得如意方用已後諸成就法

若求伏藏者取一有童女洗浴清淨著鮮潔衣取有香氣華令童女兩首捧華掩面立於壇邊持誦者誦前真言加持鬱金香水一百八徧灑童女身上於真言句中加求願事須更頃彼童女即說伏藏所在或即專心念誦請聖者現身問其所在或但祈請令歡喜毋每日供給所須若得如願所獲財寶廣修功

德及行檀施饒益有情不應蓄積必失成就又法欲得貴人歡喜取彼人門下土以唾和作丸加持一百八徧置於廁中彼人必相敬順歡喜

又法欲得女人敬愛加持果子二十一徧與

彼人喫即相敬愛

八

又法若有疑事准前加持童女問之所疑事意種種皆說

又法或但念誦乞願邀祈或聞空中語聲相報或於夢寐中必相告語疑事悉知

又法若有鬼魅所持怕怖不安者取安悉香阿魏藥白芥子和酥護摩一千八十徧一切精魅悉皆殄滅

又法若有惡人作留難者取嚕地羅和土加持二十一徧或一百八徧密埋彼家門閭下

其作留難人必病欲令差者收却彼土其病即除

又法夫妻不和者彼所受用衣服等物或所食之物密加持二十一徧與彼人受用勿令知覺必得相順

又法有人被毒中者加持白鴿糞和水與喫即差

又法若有被囚禁枷鎖種種口舌者取五月五日桃木密書彼怨人名字加持一百八徧又於真言句中稱彼人名加持求願語釘入

地即得官府口舌解散無事

又法欲得論議勝者取野葛一片加持二十一徧手把與彼論議彼便杜口

又法女人難婚者作一灰人加持一百八徧令彼女人每日拜此灰人七拜其婚即合萬

不失一

又法欲遠召所愛人者應作一灰人或作鹽人亦得以刀安彼心上稱彼姓名每日三時結召請印誦真言一百八徧加持不踰七日彼人即至如或不來其人必遭重病

又法若有負債不還者當以鹽末作彼人形結降伏印誦陀羅尼一百八徧於真言句中稱彼人姓名以刀劃之其人即自來叩頭乞命

又法若人患鬼魅病者准前加持一童女問之知其病祟所作即以法發遣彼鬼魅病人無不除差

又法若欲治病去時先然燈一盞安於竈下以真言加持二十一徧即蓋竈門明日平旦檢看若油盡即去若不盡即不須與治必難

得差此法甚驗

又法若日月蝕時於像前以熟銅碗盛酥加持乃至數滿食此加持酥即獲聞持日誦千言

又法若有不和順者密誦真言加持果子或飲食方便與彼人食必得敬愛

又法凡有死亡家令人恐怖者以忿怒心誦此陀羅尼二十一徧或一百八徧恐怖即除不往死亡家最善

又法若經官論訟持此真言一百八徧或但密誦真言必得道理

又法若欲謁見大人官長誦真言一百八徧見時必得歡喜

又法若有難產者加持牛酥一百八徧或二十一徧與產婦喫及塗產門必得易產

若持誦者一心專誦此真言更不雜修歡喜母常隨擁護不離左右不久必現其身若修行此歡喜母法欲令速驗者當別置淨室極須愼密不得於佛堂精舍中作法恐難成就又不得使人見此像及知作法必失效驗

又法若有怨讎欲來相害者取胡麻和酥於像前護摩一千八十徧於真言句中稱彼人姓名必得歡喜

又法若欲令前人相憶念者書彼人姓名安自牀脚下彼人必相憶念

又法若欲令彼怨人家驚恐不安者取髑髏骨一片加持二十一徧或一百八徧密安彼怨宅內其家必驚恐不安凡欲取髑髏骨時先以真言加持自身二十一徧即結召印然後取之密加持用無不應驗若却令彼人無

恐怖者誦此真言二十一徧收取髑髏骨作發遣却送本處彼家即得無畏此骨一度用更不堪重用無驗凡經供養竟食及果子等一切不得食令持真言者無効凡欲供養歡喜母食皆須創新別造不得用經宿殘食每下供養食皆須自送不得使人送必無効驗又法欲成就役使法者先持誦真言令功業成已然後揀取一髑髏若知此髑髏是了事彊幹人必易得成驗先於所見處加持自身又以真言加持彼髑髏一百八徧結請召印彼令隨密裏將去先以水洗又以香水浴以銀爲舌於歡喜像前加持一千八十徧於壇側以甌蓋頭即於其夜自通姓名或現其身請爲給使從此以後驅使無不應驗疑事問之必能先知此法極須慎密若漏泄非但不

成亦反招殃咎凡使髑髏往彼人處先須料校前人彼怨若是持誦金剛部法或精持禁戒解法人必不得惱亂反損自身不爾必効次說印契先結請召印以右手指於左手背又入把左手掌左手向身三招其印相即成次結降伏印二手內相又二小指相鉤二無名指各左右入虎口二中指豎合二頭指各捻中指背二大指各捻中指中節其印相即成次結擲惡人印以右手大指捻無名指甲上每誦真言一徧一度向彼惡人擲之其印相即成次結發遣聖者印即結前召請印以左手向外擲之其印即以成矣爾時歡喜母於大會中說此陀羅尼法已白佛言世尊我今已蒙如來護念於我我及眷屬奉佛教勅於未來世護諸有情令獲安樂離於恐怖若

有能依此法清淨受持此陀羅尼者一切所求皆得滿足時歡喜毋復白佛言世尊我今復說愛子畢哩合二孕迦陀羅尼法為利益護持諸有求者真言曰

唵一致尾致顛娑嚩引二合賀引二

其印以二手合掌二大指並屈入掌中即成此印一切處用護身請召奉送並皆用之以印加持自身五處所謂頂左右肩心喉等即成護身以二大指招之名請召開出之名奉送若有受持此陀羅尼法者我及愛子畢哩合二孕迦并諸眷屬等擁護是人令一切諸惡鬼神有所侵擾若有持此陀羅尼必須清淨不食葷穢誦真言滿三十萬遍并施愛子畢哩合二孕迦食即成先行其施食法先於露地淨處以瞿摩夷塗一圓壇壇上散以時華

或但於淨石上施之亦得每欲食時先取所食之物各少許共置一淨器中以前真言加持七遍於彼壇上施之并呼畢哩合二孕迦名告言我受此食願垂加護如是不闕滿六箇月即得愛子常隨加護

又法或乞食或喫乳誦真言滿三十萬遍杜六然後取牛肉作丸一加持一燒日日三時時別一千八十遍滿四十九日畢哩合二孕迦即現其身滿修行者所願

又法修行者每三白食以牛肉和安悉香作丸護摩從白月一日起首滿足一月每日三時時別一千八十遍至月滿日廣陳供養一日一夜斷食斷雜言語如上依教護摩無間至誠念誦愛子畢哩合二孕迦必現與持誦者常為親伴所須皆應

又法取明淨好安悉香搗酥護摩每日三時
時別准上如是護摩不間不斷即常送金錢
供其所用

又法欲求伏藏者如前作先行法成已然後
復以酥合香和酥護摩每日三時時別一千
八十徧如是不間不斷其伏藏即現取用一
無障礙若常持誦此陀羅尼兼施食者能令
財物豐盈所求無不隨意常得此畢哩_{合孕}
迦衛護

又法若欲降伏冤敵者書彼冤人名於持誦
者左脚下踏而以勵聲忿怒相誦於真言句
中加彼冤人名誦滿十萬徧一切冤對無不
隨順

又法若被囚禁者當誦此陀羅尼即得解脫
又法欲得安隱者取菴末羅樹葉和乳加持

護摩十萬徧即得安隱

我今復說畢哩_{合孕}迦刻像法取好白梅檀
香木無瑕隙者長六指或一搽手令巧匠雕
作童子形頂上有五朱茶髻子相好圓滿以
種種瓔珞莊嚴其身於荷葉上交脚而坐右
手掌吉祥果作與_{合孕}人勢左手揚掌向外垂展
五指此名滿願手作此像已於一淨室密處
以安悉香水和泥作一肘或三肘方壇以瞿
摩夷如法塗拭又以白檀香塗一圓座安像
於中以種種時華散於壇上乳糜酪飯甜脆
果子及歡喜團等如法供養燒沉水香對此
像前誦陀羅尼滿十萬徧愛子畢哩孕迦必
來現身問行者言喚我有所求修行者隨
所願求皆得如意從此已後作法無不成驗
又法欲知未來善惡事者取瞿摩夷如前塗

壇如前供養燒安息香以胡麻一加持一燒
滿一千八十徧即於此處安寢勿使雜語一
心思惟畢哩孕迦聖天乞境界須臾頃夢見
畢哩孕迦所有疑事問之皆說乞夢真言曰

唵 一 馱羅馱羅 二 咎婆咎婆 三 瞿引瞿引 四

畢哩 合 孕迦羅 五 薩縛薩恒縛 合 顛縛 引

囉野 六 賀引賀引 四 引護引護 引 娑縛

引 二 合 賀

爾時歡喜母說此自心陀羅尼并愛子畢哩

孕迦成就法已五體投地禮佛雙足白言世

尊我今以此陀羅尼及成就法饒益有情惟

願如來及諸聖衆當證知我佛言善哉善哉

歡喜母我今又復付囑於汝汝等於我法中

若諸伽藍出家弟子所住之處一切人民汝

及眷屬勤心守護勿令諸惡鬼神作其障難

令得安樂乃至我法未滅已來於瞻部洲應
如是行時歡喜母及五百子并諸眷屬藥叉
等衆聞佛教勅皆大歡喜作禮而去

大藥叉女歡喜母并愛子成就法